

Lamzgiuz Bijsai

篮 球 赛

贵港市蒙公乡古山小学 六二班 韦东喜



Ngoenzneix, doengzhag yozyau wng daeuj yozyau dou beij giuzgi.

Ban dou dwkgiuz cei q ndei dwg: Siujrungz、Siujyangz、Siujbeuh、Siujvang、Siujyungj, mboujdan youq ban dou, couh dwg youq daengz aen yozyau, gyoengqde hix suenq cei q ak.

Gyaq ci menbauh ndeu hai haeuj yozyau daeuj, dingz youq laj gorungz hung, bakdou ci hai lo, roengzdaej bang dahsau ndeu, dou doeksaet yat, gyoengqde hix daiq yawjsiuj dou lo, gingqyienz heuh dou lwgsai caeuj lwgmbwk bijsai dwkgiuz, mboujgvaq, bang lwgmbwk neix, bouxboux youh sang youh hung, yawj hwnjdaej gig miz rengz, bonjlaiz dou siengj gangj di gijmaz, yawj daengz neix, dou gijmaz vah hix gangj mbouj ok lo.

Bijsai lo, diuq giuz seiz, ban dou lingx sien ndaej giuz, gyoengq lwgmbwk haenx gig mbouj fugheiq, gyoengqde song boux geb boux ndeu dawz giuz ciengj deuz lo, hoeng dang gyoengqde cien z giuz seiz, ban dou Siujvang baez diuq, youh dawz giuz ciengj gvaqdaej, dah cien z giuz haenx doeknaiq dangqmaz, de sikhaek daeuj lanz Siujvang, Siujvang mbouj caj de daeuj gyawj, dawz giuz cien z hawj Siujbeuh, Siujbeuh baez cie p ndaej giuz couh lumj naq nei cung daengz laj lamzbanj

swhgeij, dawz giuz baez yut gveng okbae, “song faen!” Dou dawz sing bekwngz gokroeb soengq hawj de.

Youq ndaw bijsai, gyoengq lwgmbwk cujyau yungh “samgakhingz” fap, couh dwg boux ndeu yinh giuz, song boux youq baihnaj baujhu, sam boux cujbaenz aen samgakhingz ndeu, sojiy gou heuh de guh “samgakhingz” fap. Ban dou giuzyenz deng “samgakhingz” fap dwk luenh, gaej gangj ndaej faen, lien z giuz cungj bungq mbouj ndaej, gyoengq lwgmbwk haenx lien zlien z ndaej giuz.

Seizneix bijfaen dwg 4 beij 4 bingz, dou gig mbouj gamsim, lwgmbwk fat giuz, deng Siujyungj ciengj ndaej, song boux lwgmbwk sikhaek homz gvaqdaej lanz, Siujyungj yungh aen gyaj dungcoz, dawz song boux lwgmbwk vut youq doeklaeng, de mbouj caiq cien z giuz, cig cung lamzbanj, baez gveng aen giuz, youh ndaej song faen, lauxsae caeuj doengzhag cungj lien zlien z hemq ndei.

Lwgmbwk youh yungh hwnj “samgakhingz” fap, baezneix doengzhag sai dou hag gvai lo, yungh “samgakhingz” doiqfouq “samgakhingz”, lwgmbwk couh lumj duzuguk daengz diegbingz, miz rengz ok mbouj ndaej.

Bijsai couh yienghneix gaenjcien g dwk, song mbiengj giuzyenz mwngz mbouj nyien ghou, gou mbouj nyien ghou mwngz, bijfaen youh caiq dwkbingz, hoeng youq seiz satlaeng, gyoengq lwgmbwk haenqrengz douz ndaej sam faen le, seizgan couh daengz lo, lwgmbwk beij lwgsai lai faen ndeu, hingz ndaej gig yiemj. Ban dou giuzyenz heiq baegfofo naeuz: “Saetnaj lai lo, baezlaeng raeuz itdingh aeu hingz.”

(指导老师:陆庆峰)

Hag Leiz Fungh

学 雷 锋

武鸣县仙湖镇中桥小学四(2)班 李嘉怡



Cin raeuj va hai, sengheiq hoenghwn g, raeuz cie p daeuj le sam nyied raeujrub. Sam nyied haj hau ngoenz geiqniemh hag Leiz Fungh, moix boux vun z cungj wnggai hag Leiz Fungh, guh Leiz Fungh.

Sam nyied haj hau, youq aen saedceij daegbied neix, segih lingjdauj cujciz raeuz daengz Beileiz Segih hag Leiz Fungh. Hozdung ndawde, mizmbangj

dawz sauqbaet sauq gai, mizmbangj dawz baengz uet dou caeuj cueng, lij mizmbangj dawz canj iq canj gij cei q luenh nem gwnz ciengz. Gig vaiq, segih couh moqsaksak lo.

Gij hozdung hag Leiz Fungh youq gwnz segih dauqcawq cungj raen, dauqcawq hawj vun z ganjdung; youq gwnz gunghung gicah, geij boux hek doxcien gji yien g diegnaengh hawj boux-

laux; ndaw duzsuhgvanj, daihgva bang duzsuh gvanlijien z cingj-leix gij saw doek youq gwnz doem haenx; ndaw gunghyenz, boux coz ndeu swnhfwngz gip hwnj aen yilahgv an gwnzdieg. Caemhcai q dawz de cuengq haeuj ndaw doengilahgiz bae.

Gyoengq doengzhag, raeuz itheij hingzdung hwnjdaej hag Leiz Fungh, guh boux Leiz Fungh lix ndeu ba. (指导教师:詹献美)

Daxboh Gyaez Cit Ien

爸爸爱抽烟



武鸣县仙湖镇中桥小学 三(1)班 詹惠兰

Daxboh bingzseiz gyaez cit ien, baez guh sat hoeng naek, mbouj lien z cit song sam diuz cungj mbouj dingz, de naeuz cit ien ndaej gaj naetnaiq.

Miz ngoenz he, daxboh dawzrauq dauqma, buh uq haiz uq hix mbouj vuenh, baeb naengh gwnz sah faz bae, mbon ok bau ien caeuj aen habfeiz, youh ndaek gaemz ndaek gaemz cit hwnjdaej lo, lumjnaeuz geijlai bi mbouj cit lo. Sawqmwh, daxboh dawz aenbak mbwnj luenzlili, raq hoenz ndeu byoq okdaej, gawqyien z ndaej baenz aen baenz aen gyongx, aen hung dauq aen iq, yawj hwnjdaej lij gig mizyinx ne.

Sawqmwh, daxboh dawz aen bak doiq cinj gou daeuj, haenqrengz baez byoq, gyongx hoenz lumj swjdan nei nyingz haeuj aen naj gou daeuj. Gou saekwk dwk ae mbouj dingz. Gou hemq hwnjdaej: “Mwngz caiq byoq gou couh naeuz daxmeh nyi lo.” Daxboh cij vaiq dingz roengzdaej, itmienh vadfwngz itmienh naeuz: “Gou mbouj byoq lo, mwngz gaej lwnhnaeuz meh mwngz nyi o.” Daxboh youh dawz diuzien oet haeuj ndaw bak bae, sup ndaek gaemz hung ndeu, caiq haep aen bak ndei, gij hoenz gawqyien z ndaej daj song congh ndaeng de mauh okdaej, lumj hojceh byoq hoenz nei. Daxmeh sawqmwh daeuj daengz henzndang, daxboh vaiqv et gveng diuzien roengz doem bae, yungh fajdin caij ndaep lo.

Daxmeh yawjraen dingjgyaeuj daxboh hoenz lij caengz sanq, youh nauh hwnjdaej lo: “Gangj mwngz bak mbat lo mwngz cungj mbouj gaj, cungj lij caeg cit. Cit ien miz gijmaz ndei, bwt ndaem fwngz henj, bibi coemh bae sam sei q cien maenz ngaenz, gij ngaenz ran z raeuz cau h ndaej vaiq dwg lwi?” Daxboh ngoem gyaeuj roengzdaej, mbouj han saek coenz vah.

Gij vah daxmeh miz dauhleix, hoeng daxboh haengjdingh lij caeg cit, siengj hawj daxboh gaj ien, vanzlij aeu roengz haujlai sim cij ndaej ha.

(指导老师:梁青云)

“Seizneix vun z lajmbanj, ran z-ranz swngghoz ndei……” Gyoengq lwgnyez Bouxcuengh itmienh ciengq fwen itmienh yien gq doenghnaz byaij bae. Sing fwen yaep he sang yaep he daemq, geijlai angqyangz, geijlai gyaendei.

Gyoengqde daeuj daengz gaiq dieg hoengq hen z rijiq. Raemxrij vili vala, saw dwk yawjraen gij rinsa daejraemx. Doiqmienh dwg benq nazhaeux yawj mbouj raen bien he, geij ngoenz gonq, doenghnaz lij dwg heusausau, baez yaep da, couh vuenh hwnj ndang buhmoq saek henjoiq lwenqda lo. Diuz ganjhaeux lawz cungj dingj diuz riengz fagfid



Lwgnyez Bouxcuengh

壮 家 儿 童

武鸣县仙湖镇中桥小学四(1)班 梁敬辉

haenx, gij riengzhaeux, couh lumj sienqdiuz gwnz yozbuj, diuz riengzhaeux ndeu, couh dwg aen yinhfuz diuqyet ndeu.

Gij nywjheu hen z rij youh noengq youh oi q, lwgsai buet daengz gwnz diegnywj bae fan dingqdaej, gaeb biengzbeih, lij doxboemz doxbeij. Lwgmbwk dik lwgyienq, dwkdomq.

Sing hemq, sing riu, sing betfwngz, raq beij raq sang. Diegnywj unqnu p youh miz dan zsingq, beij aen demh diyzugvanj ndaw singz lij ndei, neix lumjbaenz couh dwg aen yindungcangz gag baenz he.

Guhcaemz baeg lo, caezgya naengh roengzdaej ietnaiq. Gij naj faj dem faj hoengzfodfod, lumj gij vaye zgi

nem raemxcaw nei. Mbouj rox bouxlawz baez heuh sing ndeu, caezgya cungj buet roengz ndaw rijiq bae, mizmbangj swiq naj, mizmbangj swiq fwngz swiq ga, lij mizmbangj dox buet raemx, sikhaek, daengx boux vun z cwxcaih dangqmaz.

“Seizneix vun z lajmbanj, ran z-ranz swngghoz ndei, gwn ndei youq hix ndei, caen vuenheij ndaej lai.” Dwg bouxlawz youh ciengq fwen vaiqvued gyaendei? Yaep ndeu, caezgya cungj gaen dwk ciengq hwnjdaej, gij sing fwen riengz rumz doengnamz cien z gvaq doenghnaz, cien z daengz ndaw sim vun z Bouxcuengh bae.

(指导老师:潘文清)